

Bosna i Hercegovina
Federacija Bosne i Hercegovine
KANTON SARAJEVO
UNIVERZITET U SARAJEVU - PRAVNI FAKULTET

Broj: 01-816-1/20
Sarajevo, 05.06.2020. godine

Na osnovu člana 135. stav (3), tač. a), n), o) i p) Zakona o visokom obrazovanju Kantona Sarajevo, člana 104. stav (2) tač. a), s) i t) Statuta Univerziteta u Sarajevu od 28.11.2018. godine, Nastavno-naučno vijeće je, na LV sjednici(elektronskoj), održanoj 05.06.2020. godine, donijelo

ODLUKU

Usvaja se Prijedlog Odluke Kolegija Pravnog fakulteta od 05.06.2020. godine o realizaciji nastavnih aktivnosti u ljetnom semestru studijske 2019/2020. godine, shodno zaključcima Senata Univerziteta u Sarajevu broj: 01-13-1/20 od 04.06.2020. godine, u tekstu kako slijedi:

1. Nastava u ljetnom semestru studijske 2019/20. godine završava se u petak, 12.06.2020. godine. Završni i popravni junsko-julski ispitni rokovi pomjeraju se za sedam dana u odnosu na utvrđeni raspored ispita koji je objavljen na početku studijske 2019/20. godine.
2. Odobrava se dodatni ispitni termin u popravnom ispitnom roku za sve predmete ljetnog semestra, uključujući i dodatni rok za studente prvi put upisane u apsolventski staž u 2019/20. godini. Dodatni ispitni termin bit će organizovan protekom četrnaest /14/ dana od dana ispita u popravnom (julskom) ispitnom roku. Dodatni ispitni termin u popravnom ispitnom roku bit će zakazan četrnaesti dan od utvrđenog termina popravnog (julskog) ispitnog roka.
3. Ispiti za studente koji studiraju u predbolonjskom režimu, ostaju prema utvrđenom rasporedu ispita koji je objavljen na početku studijske 2019/2020. godine.
4. Svi ispiti na I ciklusu studija kao i ispiti za studente koji studiraju prema predbolonjskom režimu studija održat će se **online** u formi i na način i koje utvrdi predmetni nastavnik.
5. Ispiti za studente II i III ciklusa studija obavljaju se online ili *in class*, što utvrđuje predmetni nastavnik.
6. Predmetni nastavnik je obavezan prethodno obavijestiti Upravu Fakulteta o organizaciji ispita *in class* na II i III ciklusu studija, kao i provesti sve utvrđene epidemiološke mjere za sprečavanje i prevenciju zaraze koronavirusom (COVID19), vodeći računa o fizičkoj distanci od najmanje dva metra između osoba, i u pristupnim prostorima (holovi, hodnici), kao i sanitarnim čvorovima.

7. Odbrane radova na II i III ciklusu studija, mogu se vršiti online ili *in class* prema odluci predsjednika komisije, u prisustvu komisije, zapisničara i kandidata koji brani rad. Odbrana završnog rada može se održati u prostorijama Fakulteta uz prisustvo najviše pet /5/ osoba. U slučaju odluke da se odbrana rada vrši *in class*, predsjednik komisije je obavezan o tome prethodno obavijestiti Upravu Fakulteta kao i provesti sve utvrđene epidemiološke mjere za sprečavanje i prevenciju zaraze koronavirusom (COVID19) te vodeći računa o držanju fizičke distance između osoba od najmanje dva metra.
8. Komunikacija službi Fakulteta sa studentima i drugim strankama će se i nadalje obavljati isključivo putem telefona i e-maila, a u cilju zaštite zdravlja i prevencije zaraze koronavirusom (COVID-19).
9. Konsultacije akademskog osoblja sa studentima će se i nadalje obavljati isključivo online, odnosno i putem telefona i e-maila, a u cilju zaštite zdravlja i prevencije zaraze koronavirusom (COVID-19).
10. Ovom Odlukom prestaje da važi Odluka NNV broj 01-764/20 od 21.05.2020. godine.

DEKANESA

Prof.dr. Hajrija Sijerčić-Čolić, s.r.